

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 226. An Matrimonium in primo gradu lineæ transversæ, nimirum  
inter Fratres & Sorores sit irritum jure naturæ.

---

[urn:nbn:de:hbz:466:1-73973](#)

tur. Caſtrop. l.c. Unde ex eo hujus irritationis ratio petenda est, quod copula seu commixtio illa parentum, cum liberis secundum se & ex natura rei sit fæda, uti patet ex naturali instinctu omnium ferè gentium, & quorundam etiam animalium, teste Aristot. de histor. animal. l. 9. c. 49. & Plin. l. 8. hist. nat. c. 42. & prout docet D. Ambros. Ep. 66. ad patern. abhorrentium talem concubitum; si autem jure naturæ illicita talis copula, inde recte inferri videatur; ergo & matrimonium, quod ad copulam talem suapte natura refertur, jure naturæ invalidum censendum, seu tale, cuius contrahendi potestatem humano generi non concesserit Deus. Est tamen probabile, non esse hoc ita intrinsecè malum & naturæ repugnans, quin dicta turpitudo & indecentia in tali matrimonio reperta honestari possit in & singulari & unico casu necessitatibus publica conservandi genus humanum, deficientibus omnibus aliis hominibus præter patrem & filiam, vel matrem & filium, adeoque & Deus in hoc casu dispensare possit, reddendo in ordine ad actum conjugalem tantum filiam æqualem patri, bono publico prævalente contra reverentiam patri debitanam, utpote privatam, Sanch. n. 10. Ponc. Laym. Caſtrop. LL. cit.

2. Resp. ad secundum: An irritetur quoque matrimonium jure naturæ in gradibus aliis extra primum, incertissimum est, ut bene Caſtrop. l.c. n. 9. tum propter opinionum diversitatem, tum ob rationem, quibus singulæ nituntur, non sat magnam firmitatem. Prohibitum esse ac irritum matrimonium jure naturæ non solum intra quartum, sed & in omni ulteriore in infinitum linea rectæ gradum, ita ut, si resurgeret Adam, nullam posset uxorem ducere, cùm sit totius generis humani seu hominum omnium communis pater, tenent Bellarm. l. 1. de matrim. c. 28. Laym. l. c. n. 2. Pith. h. t. n. 9. Gasp. Hurt. d. 17. diff. ult. & plures alii apud Sanch. l. 7. d. 51. n. 12. quibus facient jura civilia, l. nuptia. ff. de rit. nupt. ubi: *Nuptia subsistere non possunt inter eas personas, qua in numero parentum liberorum sunt proximi, sive ulteriores sunt in infinitum. L. ult. ff. eod. ubi: Jure gentium incestum committit, qui ex gradu ascendentium vel descendantium uxorem dicit. & §. ergo omnes. Inst. eod.* Quas leges, cùm per jus canonicum correctæ non sint (siquidem cit. c. non debet. h.t. non loquitur de gradibus linea recta, sed transversa) servandas quoque esse in foro ecclesiastico, censem idem AA. nec deficit ratio; quia nimirum omnes ascendentes in hac linea verè sunt & dicuntur parentes & majores, à quibus descendentes, non tantum per accidens, sed per se dependent tanquam à principiis generationis, cùm causa cause sit causa causati; adeoque iis non minus quam parentibus descendentes jure naturali debent reverentiam & submissionem; huic autem adveretur turpitude illa reportata in copula. Sed neque hic, ut fit in linea transversa, spectetur major aut minor participatio sanguinis communicata à virtute generante communis stipitis (quæ in remotioribus descendantibus minor est, ac tandem omnino extinguitur, ita ut consanguinei esse desinat) quam ratio principii, cui se reverentiam debent; omnes autem ascendentes sint principium per se necessarium descendantium.

3. Contrarium directe tenent Sanch. d. 51. n. 15. Ponc. l. 6. c. 81. n. 6. & apud illos alii, contrario omnino nisi fundamento, nimirum quia censem ascendentes non esse principium descendantium. V. G. avum non esse principium neptis, sed tantum

applicare principium, generando himitum patrem illius; adeoque non debeatur illis eadem reverentia, quæ patri, & consequenter non sit illa turpitude, quæ est in copula cum parentibus. Vix quid diversum ab his AA. docet Caſtrop. cii. n. 9. dum ob easdem rationes credit, saltem ultra gradum secundum jure naturæ non irritari matrimonium. Quod autem ultra gradum quartum non irritetur hoc jure, convinci se ea ait ratione, quod Pontifex hoc impedimentum restringens ad quartum gradum locutus fuerit non tantum de gradibus linea transversa, sed & linea recta; eò quod alius posset quis cum suo ascendentem contrahere in secundo gradu, sequens opinionem probabilem, illud matrimonium jure naturæ irritum non esse. Ad quod tamen facile dici posset, quod sicut in primo gradu irritum non est matrimonium jure Pontificio, ne declarativè quidem; quia id supponebant Concilia & Pontifices irritum jure naturæ; sic nec intra nec ultra quartum gradum linea recta, sed solum jure naturæ; quod maximè verum est, si omnes gentes bene moratae & instituta horuerint semper talia matrimonia cum ascendentibus, & quidem absque aliquo jure positivo id inhibente.

*Quæſt. 226. An matrimonium in primo gradu linea transversa, nimirum inter fratres & sorores, sit irritum jure naturæ.*

1. R Esp. In hoc quoque non convenire AA. affirmant Sanch. d. 52. num. 11. Bellarm. l. 1. de mat. c. 28. Valent. Tom. 4. d. 10. p. 3. §. controversia. Gutt. c. 98. n. 20. Covar. in 4. decret. 2. p. c. 6. §. 10. n. 15. Laym. cit. c. 6. n. 3. Pith. h. t. n. 10. Fundamentum eorum est, quod quoque inter fratres & sorores ob sanguinis conjunctionem sit quidam naturalis pudor & reverentia, cui valde adverfaretur actus conjugalis, per quem turpitudo alterius revealatur; quare pleraque gentes tale matrimonium detestata sunt teste Aristot. l. 2. polit. c. 2. (ad quod tamen Cón. quod apud plerasque gentes matrimonia illa irrita fuerint jure positivo) & quæ illud permittebant graviter fuerunt super hoc reprehensa & notatae tanquam barbaræ, ut refert S. August. l. 22. contra Faſtum. c. 35. unde etiam Genes. 20. ex eo, quod Sara diceretur ab Abrahamo foror, Pharaon putavit esse uxorem illius, tunc, quando lex nulla adhuc positiva exstabat, reddens tale matrimonium irritum; ad quod tamen AA. contraria sententiae dicunt, sufficiſſe ad illud Pharaonis judicium, quod matrimonia raro inter fratres & sorores contingent. Confirmari quoque videtur hæc sententia ex eo, quod Ecclesia nunquam in hoc gradu, etiæ id petitum à Papa, ut Sanch. l.c. voluerit dispensare. De cætero ad hoc, quod loco quoque confirmationis afferunt hi AA. nimirum quod in c. gaudemus, de divorciis Innoc. III. jubendo, ut qui in infidelitate in secundo vel ulteriore gradu contraxerunt, non separantur, satis innuat, si contraxerint in primo gradu, separandos esse; dicunt adversarii, ideo Pontificem de primo gradu tacuisse, seu id indecūsum reliquisse, eò quod id sub opinione constitutum esset.

2. E contra negant cum D. Thom. 2. 2. q. 154. a. 9. ad 3. Cajet. ibid. Ponc. l. 7. c. 32. n. 3. Cón. d. 32. du. 1. n. 19. Hurt. d. 17. diff. §. n. 12. Caſtrop. l. c. n. 11. & plures apud illum; eò quod ne genti tantam dedeciam reperi in illa fratribus cum sororibus copula; uti id nituntur probare pri-

mò, quòd gentes plures etiam bene instituta universaliter ista conjugia detestata non sint, cùm plures ea sustinuerint teste Paleoto. *l. 2. de nobis filiis c. 3. à n. 2.* prout refertur in specie de quibusdam gentibus in provincia Peruana. Sed facile id diluitur testimonis adductis paulò ante in contrarium; & quis neget gentes illas Peruanas fuisse barbaras? secundò quòd ab initio mundi talia conjugia licita fuerint. Ad quod tamen etiam satis consequenter dicere videntur oppositæ sententiae AA. nimurum admittendo, non esse eam reverentiam & sanguinis conjunctionem tantam, quanta est inter parentes & liberos; adeoque copulam inter illos non ad eò indecentem, quin ab authore naturæ in tali casu necessitatis, qualis fuit ab initio mundi inter filios & filias Adæ ad genus humanum propagandum, permitti potuerit. Admittunt nihilominus adversarii, ut exp̄s̄ Laym. *l. c. Pirh. n. 11.* propter has & similes rationes probabilium quoque esse oppositam sententiam, nempe quòd licet matrimonia inter fratres & sorores ex se sint indecentia & illicita, ac proinde jure naturæ prohibita, non tamen sint jure naturæ irrita; neque enim eo ipso, quòd aliquid jure naturæ sit illicitum, etiam eodem jure est irritum. Sic enim violare sine causa fidem alteri datum est jure naturæ illicitum, & tamen, si sponsus sine causa dissolvens sponsalia, frangat fidem datum sponsa contrahendo cum alia matrimonium, hic contraetus matrimonialis non est nullus, sed valet; quare prohibito juris naturæ in eo fundata, quòd talis operatio dictanti ipso lumine rationis apud omnes gentes aduersetur rationi naturali, non sufficit, ut etiam eo ipso sit irritum; sed tunc tandem, quando illud ipsum quoque intrinseco fini talis actus vel operis opponitur. Unde jam, si non obstante tali facto vel opere iure naturæ illicito, natura & finis matrimonii (qui est procreatio sobolis & remedium concupiscentia) illæsa permaneant, matrimonium quidem in eo casu erit illicitum, non tamen invalidum, ex quo tamen sequi videtur, æquè parum iure naturæ esse irritum matrimonium inter parentes & liberos; quia dictus finis matrimonii manet illæsus. Sic quoque probabile videtur, potuisse occasione illius, quòd ea matrimonia sub ini-

tium mundi erant licita & valida, propagato deinceps humano genere, apud gentes alias persevere consuetudinem ea celebrandi. Quamvis autem ex probabili hac sententia sua Sanch. *d. 52. n. 12.* cum Veracruz. *2. p. spec. a. 12. concl. 2.* inferant, si ex gentibus, apud quas est consuetudo talia matrimonia celebrandi convertantur ad fidem, non esse tali conjugio conjunctos separandos; consultius tamen ait Laym. in re ad eò gravius esse consulere Pontificem.

*Quæst. 227. An matrimonium in secundo cæterisque gradibus linea collateralis sit irritum jure naturæ.*

R Esp. Negativè cum Sanch. *l. c. n. 11.* Laym. *l. c. n. 4.* & communis; tametsi enim turpe plerumque sit cum cognata contrahere matrimonium, natura dictante deberi illi reverentiam quandam, cui adverter copula carnalis, ut Bellarm. *l. 1. de mat. c. 27. respns. ad 1. arg.* & ex eo Laym. *l. c.* quod etiam spectat videatur preceptum illud *Levit. c. 18. omnis homo ad proximam sanguinis non accedat, ut revelet illi turpitudinem ejus.* Adeoque jam indecens esse videatur, si passim istiusmodi matrimonia, maximè in gradibus proxinioribus, instituantur sine urgente causa; non tamen jure naturæ ita sunt prohibita, multoq; minus irrita, ut ob rationabilem causam, praesertim publica autoritate accedente, cohonestari non possint. Probatur quoque idem à posteriore imprimis ex *c. gaudemus de divorciis.* ubi deciditur, infideles ad fidem conversos, si in secundo vel ulterioribus gradibus linea obliqua contrixerint matrimonium, separando non esse, cùm constitutionibus canoniciis non arctentur (vel potius, arctati non fuerint, dum infideles essent) separandi autem essent, si matrimonium in illis gradibus jure naturæ (quo & illi in infidelitate obligabantur) irritum est; dein in veteri testamento viri sancti in istis gradibus contrixerunt; Abraham duxit Sarum fratris filiam, *Genes. 11. Isaac Rebekam consobrinam suam;* & sic videmus passim Pontifices ex rationabili causa in his gradibus dispensare.

## CAPUT II.

### De affinitate.

*Quæst. 228. Quid sit affinitas.*

R Esp. Est propinquitas personarum ex carnali copula proveniens; ita Theologi & utriusque Juris periti apud Sanch. *l. 7. d. 64. n. 1.* cum D. Thom. communiter recepto in *4. d. 41. q. unic. a. 1.* cùmenim per copulam vir & mulier fiant una caro, consanguinei feminæ redduntur affines viri in eo gradu, in quo sunt consanguinei feminæ, & consanguinei viri sunt affines feminæ in eo gradu, in quo sunt consanguinei viri, juxta quod dicitur *c. fraternitatis. 35. q. 10.* ubi: *Si una caro fuerit, quomodo poterit aliquis eorum propinquus uni pertineri, nisi pertineat alteri.* Unde jam

Infertur primò: Saltem verè & propriè dictam affinitatem non nasci ex matrimonio rato tantum. Caffrop. *tr. 28. d. 4. p. 8. num. 3.* Sanch. *l. 7. d. 64. n. 25.* Gutt. *c. 99. n. 7.* Pirh. *b. t. n. 23.* juxta quod definit Pius V. in Bulla edita *calend. Jul. 1568.* super declarat, Concil. Trid. de impediment, affinit.

qua incipit, ad *Romanam.* quidquid velint aliqui apud Sanch. *l. c.* cum *Sylv. v. matrimonium. 8. q. 14. dīlo 2.* oriri ex tali matrimonio affinitatem quādam initialem, siquidem hoc ipsum est impedimentum publica honestatis. Infertur secundò, quòd ex ipsa affinitate non nascatur affinitas alia; hinc licet consanguinei viri sint affines feminæ ab eo carnaliter cognitæ, non tamen sunt affines consanguineorum feminæ, & è contra; uti habetur expressè *c. super his. b. t.* quare si Titius cognovit Caja, pater, filius, frater Titii non impediuntur contrahere cum matre, filia, sorore Cajæ.

*Quæst. 229. Num affinitas nascatur ex copula fornicaria seu illicita.*

1. R Esp. primò: Nasci eam ex copula illicita, imprimis jure ecclesiastico certum est: *c. discretionem.* de eo qui cognovit consang. uxor. sua, patet etiam ex eo, quòd hoc jure expressè dicatur

ea